

妙法蓮華經。如來壽量品。

第十六

爾時仏告諸菩薩。及一切  
大衆。諸善男子。汝等當  
信解。如來誠諦之語。復  
告大衆。汝等當信解。如  
來誠諦之語。又復告諸大  
衆。汝等當信解。如來誠  
諦之語。是時菩薩大衆。  
彌勒為首。合掌白仏言。  
世尊。唯願說之。我等當

信受仏語。如是三白已。  
復言。唯願説之。我等當  
信受仏語。爾時世尊。知  
諸菩薩。三請不止。而告  
之言。汝等諦聽。如來秘  
密。神通之力。一切世間  
天人。及阿修羅。皆謂今  
釈迦牟尼仏。出釈氏宮。  
去伽耶城不遠。坐於道場。  
得阿耨多羅三藐三菩提。  
然善男子。我實成仏已來。

無量無邊。百千萬億。那由佗劫。譬如五百千萬億。那由佗。阿僧祇。三千大千世界。假使有人。抹為微塵。過於東方。五百千萬億。那由佗。阿僧祇國。乃下一塵。如是東行。尽是微塵。諸善男子。於意云何。是諸世界。可得思惟校計。知其數不。彌勒菩薩等。俱白仙言。世尊。

是諸世界。無量無邊。非  
算數所知。亦非心力所及。  
一切聲聞。辟支仙。以無  
漏智。不能思惟。知其限  
數。我等住。阿惟越致地。  
於是事中。亦所不達。世  
尊。如是諸世界。無量無  
邊。爾時仙告。大菩薩衆。  
諸善男子。今當分明。宣  
語汝等。是諸世界。若著  
微塵。及不著者。盡以為

塵。一塵一劫。我成仙已  
來。復過於此。百千萬億  
那由佗。阿僧祇劫。自從  
是來。我常在此。娑婆世  
界。說法教化。亦於余處。  
百千萬億。那由佗阿僧祇  
國。導利衆生。諸善男子。  
於是中間。我說然燈仙等。  
又復言其。入於涅槃。如  
是皆以。方便分別。諸善  
男子。若有衆生。來至我

所。我以仏眼。觀其信等。  
諸根利鈍。隨所応度。処  
処自説。名字不同。年紀  
大小。亦復現言。當入涅槃。  
又以種種方便。説微妙法。  
能令衆生。發歡喜心。諸善男子。  
如來見諸衆生。樂於小法。  
徳薄垢重者。為是人説。我少出家。  
得阿耨多羅三藐三菩提。然我實成仏已來。久

遠若斯。但以方便。教化  
衆生。令入仏道。作如是  
説。諸善男子。如來所演  
經典。皆為度脱衆生。或  
説己身。或説佗身。或示  
己身。或示佗身。或示己  
事。或示佗事。諸所言説。  
皆實不虛。所以者何。如  
來如實知見。三界之相。  
無有生死。若退若出。亦  
無在世。及滅度者。非實

非虛。非如非異。不如三界。見於三界。如斯之事。如來明見。無有錯謬。以諸衆生。有種種性。種種欲。種種行。種種憶想。分別故。欲令生諸善根。以若干因緣。譬諭言辭。種種說法。所作仙事。未曾暫廢。如是我成仙已來。甚大久遠。壽命無量。阿僧祇劫。常住不滅。諸善



男子。我本行菩薩道。所成壽命。今猶未盡。復倍上數。然今非實滅度。而便唱言。當取滅度。如來以是方便。教化衆生。所以者何。若仙久住於世。薄德之人。不種善根。貧窮下賤。貪著五欲。入於憶想。妄見網中。若見如來。常在不滅。便起憍恣。而懷厭怠。不能生於難

遭之想。恭敬之心。是故  
如來。以方便說。比丘當  
知。諸仙出世。難可值遇。  
所以者何。諸薄德人。過  
無量。百千萬億劫。或有  
見仙。或不見者。以此事  
故。我作是言。諸比丘。  
如來難可得見。斯衆生等。  
聞如是語。必當生於。難  
遭之想。心懷戀慕。渴仰  
於仙。便種善根。是故如

来。雖不實滅。而言滅度。  
又善男子。諸仏如来。法  
皆如是。為度衆生。皆實  
不虛。譬如良医。智慧聰  
達。明練方藥。善治衆病。  
其人多諸子息。若十。二  
十。乃至百數。以有事縁。  
遠至余国。諸子於後。飲  
佗毒藥。藥發悶乱。宛轉  
于地。是時其父。還來歸  
家。諸子飲毒。或失本心。

或不失者。遙見其父。皆  
大歡喜。拜跪問訊。善安  
穩歸。我等愚痴。誤服毒  
藥。願見救療。更賜壽命。  
父見子等。苦惱如是。依  
諸經方。求好藥草。色香  
美味。皆悉具足。擣篩和  
合。与子令服。而作是言。  
此大良藥。色香美味。皆  
悉具足。汝等可服。速除  
苦惱。無復衆患。其諸子

中。不失心者。見此良藥。色香俱好。即便服之。病尽除愈。余失心者。見其父来。雖亦歡喜問訊。求索治病。然与其藥。而不肯服。所以者何。毒氣深入。失本心故。於此好色香藥。而謂不美。父作是念。此子可愍。為毒所中。心皆顛倒。雖見我喜。求索救療。如是好藥。而不

肯服。我今當設方便。令  
服此藥。即作是言。汝等  
當知。我今衰老。死時已  
至。是好良藥。今留在此。  
汝可取服。勿憂不差。作  
是教已。復至佗國。遣使  
還告。汝父已死。是時諸  
子。聞父背喪。心大憂惱。  
而作是念。若父在者。慈  
愍我等。能見救護。今者  
捨我。遠喪佗國。自惟孤

露。無復恃怙。常懷悲感。  
心遂醒悟。乃知此藥。色  
香味美。即取服之。毒病  
皆愈。其父聞子。悉已得  
差。尋便來歸。咸使見之。  
諸善男子。於意云何。頗  
有人能。說此良醫。虛妄  
罪不。不也。世尊。仏言。  
我亦如是。成仏已來。無  
量無邊。百千萬億。那由  
佗阿僧祇劫。為衆生故。

以方便力。言當滅度。亦  
無有能。如法說我。虛妄  
過者。爾時世尊。欲重宣  
此義。而說偈言

自我得仙來 所經諸劫數  
無量百千萬 億載阿僧祇  
常說法教化 無數億衆生  
令入於仙道 爾來無量劫  
為度衆生故 方便現涅槃  
而實不滅度 常住此說法  
我常住於此 以諸神通力



令顛倒衆生 雖近而不見  
衆見我滅度 廣供養舍利  
咸皆懷戀慕 而生渴仰心  
衆生既信伏 質直意柔軟  
一心欲見仏 不自惜身命  
時我及衆僧 俱出靈鷲山  
我時語衆生 常在此不滅  
以方便力故 現有滅不滅  
余國有衆生 恭敬信樂者  
我復於彼中 為說無上法  
汝等不聞此 但謂我滅度

我見諸衆生 沒在於苦海  
故不為現身 令其生渴仰  
因其心恋慕 乃出為說法  
神通力如是 於阿僧祇劫  
常在靈鷲山 及余諸住处  
衆生見劫尽 大火所燒時  
我此土安穩 天人常充滿  
園林諸堂閣 種種宝莊嚴  
宝樹多花果 衆生所遊樂  
諸天擊天鼓 常作衆伎樂  
雨曼陀羅華 散仙及大衆

我淨土不毀 而衆見燒盡  
憂怖諸苦惱 如是悉充滿  
是諸罪衆生 以惡業因緣  
過阿僧祇劫 不聞三宝名  
諸有修功德 柔和質直者  
則皆見我身 在此而說法  
或時為此衆 說仏壽無量  
久乃見仏者 為說仏難值  
我智力如是 慧光照無量  
壽命無數劫 久修業所得  
汝等有智者 勿於此生疑

當斷令永盡  
如醫善方便  
實在而言死  
我亦為世父  
為凡夫顛倒  
以常見我故  
放逸著五欲  
我常知衆生  
隨心所可度  
每自作是念  
得入無上道

仙語實不虛  
為治狂子故  
無能說虛妄  
救諸苦患者  
實在而言滅  
而生憍恣心  
墮於惡道中  
行道不行道  
為說種種法  
以何令衆生  
速成就仙身